




## PUSSAIVLADADS DA FAR INA FURMAZIUN SUPPLEMENTARA

Il sistem svizzer da la furmaziun professiunala porscha bleras pussaivladads per planisar la carriera.

Las suandantas purschidas sa basan per regla sin in emprendissadi terminà cun success.



## Examen professiunal federal (EP) (tud: Berufsprüfung BP)

<b>Finizium</b>	Certificat professiunal federal (tud: Eidgenössischer Fachausweis)
<b>Premissas</b>	Per regla: attestat federal da qualificaziun AFQ ed experientscha professiunala
<b>Descripziun</b>	<p>Cun l'examen professiunal possedan ins in'emprima spezialisaziun, respectivamain abilitads specificas en roms dal fatg. Absolventas ed absolvents da l'examen professiunal pon surpigliar ina posiziun dal cader mesaun.</p> <p>L'examen professiunal vegn preparà complementarmain a la professiun. Ils curs han per ordinari lieu la saira e/u la sonda. Ils curs da preparaziun per l'examen n'èn per regla betg obligatorics, ma savens indispensabels.</p> <p><a href="http://www.berufsberatung.ch/bp-hfp">www.berufsberatung.ch/bp-hfp</a></p>

## Examen professiunal superiur EPS

<b>Finizium</b>	Diplom federal
<b>Premissas</b>	Per regla: Examen professiunal federal (EP) ed experientscha professiunala
<b>Descripziun</b>	<p>Cun in examen professiunal superiur sa qualifitgeschan persunas dal fatg sco expertas ed experts en lur champ professiunal. Quest diplom è medemamain ina buna preparaziun per pudair manar in manaschi.</p> <p>L'examen professiunal vegn preparà complementarmain a la professiun. Ils curs han per ordinari lieu la saira e/u la sonda. Ils curs da preparaziun per l'examen n'èn per regla betg obligatorics, ma savens indispensabels. Suentar avair reussì l'examen professiunal superiur, vegn surdà in certificat professiunal federal. En tschertas professiuns è quest diplom enconuschent sco diplom da maister.</p> <p><a href="http://www.berufsberatung.ch/bp-hfp">www.berufsberatung.ch/bp-hfp</a></p>

## Scola spezialisada superiura (SSS) (tud: Höhere Fachschule HF)

<b>Finizium</b>	Diplom SSS
<b>Premissas</b>	<p>Attestat federal da qualificaziun AFQ</p> <p>Tut tenor scola: examen d'admissiun, pratica professiunala, praticum, curs d'introducziun</p>
<b>Descripziun</b>	<p>Absolventas ed absolvents d'ina scola spezialisada superiura approfundeschan lur savida generala ed acquistan enconuschientschas teoreticas e praticas per l'organisaziun e per la direcziun en il cader mesaun. Savens surpiglian els en lur sector la responsabladad professiunala e directiva.</p> <p>Las scolaziuns duran tut tenor la scola e la scolaziun dus fin quatter onns. Ins po eleger tranter in studi a temp cumplain u in studi complementar a la professiun. Studis a temp cumplain cumpiglian er praticums per rimnar experientschas professiunalas.</p> <p><a href="http://www.berufsberatung.ch/hoehere-fachschulen">www.berufsberatung.ch/hoehere-fachschulen</a></p>

## Maturitad professiunala MP (tud: Berufsmaturität BM 2)

<b>Finizium</b>	Maturitad professiunala MP
<b>Premissas</b>	Attestat federal da qualificaziun AFQ: buna nota da finizium Tut tenor scola: examen da qualificaziun e/u discours d'admissiun
<b>Descripziun</b>	<p>La maturitad professiunala pussibilitescha l'access ad in studi da bachelor ad ina scola auta spezialisada correspondententa.</p> <p>Pussaivlas èn las suandantas direcziuns da la maturitad professiunala: «tecnica, architectura e life sciences», «economia e servetschs», «sanadad e fatgs socials», «decoraziun ed art» sco er «natira, territori e nutriment».</p> <p>La scolaziun ha lieu a temp cumplain entaifer 1 onn u a temp parzial entaifer 2 onns.</p> <p>Fegl d'infurmaziun CIP «Maturitad professiunala suenter l'emprendissadi (MP2)».</p> <p><a href="http://www.berufsberatung.ch/maturitaeten">www.berufsberatung.ch/maturitaeten</a> ► Berufsmaturität</p>

## Curs Preliminar SAP

<b>Premissas</b>	Attestat federal da qualificaziun AFQ cun maturitad professiunala MP Attestat federal da qualificaziun AFQ e trais onns experientscha professiunala Persunas che han absolvi la furmaziun avant trais u plirs onns ston ultra da quai far in examen d'admissiun en ils roms da la prima lingua e la matematica.
<b>Descripziun</b>	<p>Il curs preliminar che cuzza in onn pussibilitescha in studi a la scol'auta da pedagogia per daventar ina persuna d'instrucziun da la scolina u da la scola primara.</p> <p>Il curs preliminar cuzza in onn.</p> <p><a href="http://www.berufsberatung.ch/hochschulvorbereitung">www.berufsberatung.ch/hochschulvorbereitung</a></p>

## Passarelle

<b>Premissas</b>	Maturitad professiunala MP Tut tenor accent dal studi èn cundiziuns d'admissiun supplementaras pussaivlas.
<b>Descripziun</b>	<p>La passarelle è in examen complementar per maturandas e maturands professiunals. Ella pussibilitescha l'access a las universitads svizras ed a las scolas autas pedagogicas. Ils curs da preparaziun per l'examen da passarelle duran dus semesters a temp cumplain ubain trais semesters a temp parzial.</p> <p><a href="http://www.berufsberatung.ch/passarelle">www.berufsberatung.ch/passarelle</a></p>

## Scola auta specialisada SAS (tud: Fachhochschule FH)

<b>Finizium</b>	Bachelor of Science (BSc) u Bachelor of Arts (BA) SAS
<b>Premissas</b>	<p>Attestat federal da qualificaziun AFQ e maturitad professiunala MP en ina professiun parentada cun il rom da studi</p> <p>Attestat federal da qualificaziun AFQ e maturitad professiunala MP ed in onn experientscha professiunala en ina professiun na betg parentada cun la professiun.</p> <p>Tut tenor accent dal studi èn cundiziuns d'admissiun supplementaras pussaivlas.</p>
<b>Descripziun</b>	<p>Persunas che han in bachelor d'ina scola auta specialisada èn qualifitgadas fitg bain e surpiglian posiziuns da cader en ils manaschis. Il studi da bachelor en ina scola auta specialisada po vegnir absolvì tut tenor la scola e la scolaziun a temp cumplain u complementarmain a la professiun. In studi a temp cumplain dura trais onns. In studi complementar a la professiun dura per regla quatter onns. Savens vegnan praticums absolvì durant il studi.</p> <p><a href="http://www.berufsberatung.ch/fachhochschulen">www.berufsberatung.ch/fachhochschulen</a></p>

## Maturitad per creschids

<b>Finizium</b>	Maturitad gimnasiala
<b>Premissas</b>	Tut tenor scola: examen d'admissiun
<b>Descripziun</b>	<p>Cun reussir la maturitad han ins directamain access ad in studi a las universitads svizras ed scolas politechnicas federalas, a las scolas autas tecnicas federalas, a las scolas autas da pedagogia ed a las scolas autas specialisadas. Las scolas porschan instrucziun cumplaina, parziala ed a distanza. Ils studis duran savens trais fin quatter onns.</p> <p><a href="http://www.berufsberatung.ch/maturitaeten">www.berufsberatung.ch/maturitaeten</a> ► Gymnasiale Maturität für Erwachsene (rechte Spalte)</p>

## Qualificaziuns supplementaras e curs

<b>Premissas</b>	Per regla: furmaziun fundamentala professiunala
<b>Descripziun</b>	<p>Preziusas qualificaziuns supplementaras pon ins per exempel cuntanscher cun frequentar curs u scolaziuns en l'atgna branscha. Impurtant èsi er d'extender las cumpetenzas linguisticas u d'informatica.</p> <p><a href="http://www.berufsberatung.ch/weiterbildung">www.berufsberatung.ch/weiterbildung</a></p>

### CIP Grischun

Vus As vulais far ina midada professiunala? Vus As vulais perfecziunar, ma na savais betg propi en tge direcziun? Las cussegliastras ed ils cussegliastrs As sustegnan a concepir Vossa carriera.

- [www.berufsbildung.gr.ch](http://www.berufsbildung.gr.ch)
- [biz@afb.gr.ch](mailto:biz@afb.gr.ch)